

## ENNAAN IN MELELE KON VACCINE

# Tdap Vaccine

## Men ko me Kwōj Aikuj in Jejā

(Tetanus,  
Diphtheria im  
Pertussis)

Many Vaccine Information Statements are available in Spanish and other languages. See [www.immunize.org/vis](http://www.immunize.org/vis)

Elōn Ennaan in Melele kōn Vaccine ilo Kajin Spanish im bar kajin ko. Lale [www.immunize.org/vis](http://www.immunize.org/vis)

### 1 Etke kwōn bōk vaccine?

**Tetanus, diphtheria im pertussis** rej nañinmej ko me rekanooj in kauwōtata. Tdap vaccine emaroñ in kōjparok kōj jān nañinmej kein. Im, ñe jej leļok Tdap vaccine ñan kōrā ro bōrōro emaroñ in kōjparok niñniñ ro me rej kab lotak mae pertussis.

**TETANUS** (Lockjaw) ejeja ilo Amedka raan kein. Ej kōmman an majel ko kankan im akā me emetak, ekkā ilo aolepan ānbwin.

- Emaroñ in tōl ñan an majel ko kankan ilo bōram im kōnwaōm ñan am jab maroñ in kōpelļok lōñiōm, orañłok, ak ilo jet iien ko emmenono wōt. Tetanus ej mane epaak 1 ilo 10 armej me rej bōke meñē emmantata wōt aer kōjparok ikijjen wūno.

**DIPHTHERIA** ebar jeja ilo Amedka raan kein. Emaroñ in kōmman bwe ba mijel enaaj waļok ilikin bōro.

- Emaroñ in tōl ñan apañ ikijjen emmenono, an bam jorrāān, mej ānbwin, im mej.

**PERTUSSIS** (Whooping Cough) ej kōmman iien pokpok, me remaroñ in kaapañ emmenono, emmōj im kiki poktak.

- Ebar maroñ in tōl ñan an jako bouñ, incontinence (jab maroñ in dāpij an kūbwé im rawūt), im jorrāān diin kat. Ñan 2 ilo 100 jodikdik ro im 5 ilo 100 rūtto ro im elōn aer pertussis rej aikuj in pād ilo aujpitōl ak elōn men ko poktak, me remaroñ in kōpool pneumonia ak mej.

Bacteria rej kōmman nañinmej kein. Diphtheria im pertussis rej etal jān armej ñan armej ilo dānnin ānbwin jān pokpok ak maje. Tetanus ej deļon ānbwin ilo jikin mwijiti kilen, kurar, ak kinej ko.

Mokta jān vaccine ko, ekar lōñ ñan 200,000 keej in diphtheria, 200,000 keej in pertussis, im jet alen jibukwi keej in tetanus, me armej rekar report ilo Amedka kajjojo iiō. Ālikin aer jino in leļok vaccine, report ko in keej ko in tetanus im diphtheria rekar wōtlōk epaak 99% im kōn pertussis epaak 80%.

### 2 Tdap vaccine

Tdap vaccine emaroñ in kōjparok jodikdik im rūtto ro jān tetanus, diphtheria, im pertussis. Ekkā aer leļok juon dose in Tdap ilo 11 ak 12 iiō ded. Armej ro me rekar *jab* bōk Tdap ilo ded eo ren mōkaj im bōke ekkar joñan aer maroñ.

Elōp aorokin Tdap ñan ri-professional ro ilo jerbal in kōjparok-ājmuur im jadewōt armej me ej kepaake juon niñniñ me edikļok jān 12 allōn ded.

Kōrā ro bōrōro ren bōk juon dose in Tdap ilo **aolep iien bōrōro**, ñan kōjparok niñniñ eo ekāāl jān pertussis. Elaptata an niñniñ ro ekāāl uwōta in bōk men ko poktak me rej kauwōtata an mour, jān pertussis.

Bar juon vaccine, naeten Td, ej kōjparok mae tetanus im diphtheria, ak jab mae pertussis. Ren leļok juon Td booster ālikin kajjojo 10 iiō ko. Remaroñ in leļok Tdap āinwōt juon iaan wā jipañ (booster) kein elāññe kwaar jab bōk Tdap mokta. Rebar maroñ in leļok Tdap ālikin mwijit ak tile ekauwōtata ñan bōbrae an tetanus waļok.

Taktō eo am ak armej eo me ej lewaj vaccine eo emaroñ in lewaj bar melele ko.

Ej safe wōt aer leļok Tdap ilo ejja iien eo ippān vaccine ko jet.

### 3 Jet armej ren jab bōk vaccine in

- Juon armej me ekar wōt an uwaak allergy me ekauwōtata an mour ālikin juon dose mokta in jabdewōt vaccine me ej kōpool diphtheria, tetanus ak pertussis, AK ewōr an allergy kauwōtata ñan jabdewōt mōttan vaccine in, en jab bōk Tdap vaccine. Kowaļok ñan armej eo me ej leļok vaccine eo kōn jabdewōt allergy ko kauwōtata.
- Jabdewōt armej me ekar pād ilo juon coma ak seizure (āinwōt jib) ko etto wōt im emmakikkij ilo 7 wōt raan ālikin juon dose in DTP ak DTaP ke rekar ajri wōt, ak juon dose in Tdap mokta, ren jab bōk Tdap, ijellokun rekar loe juon wūnin me ekar jab vaccine eo. Remaroñ in bōk Td wōt.
- Kōnnaan ippān takto eo am elāññe:
  - elōn am seizure ko ak bar juon apañ eo ikijjen system in nōob ko am,
  - ekar wōt am metak elāp ak ebbōj ālikin jabdewōt vaccine me ekar kōpool diphtheria, tetanus ak pertussis,
  - ekar wōt am nañinmej ñaetan Guillain-Barré Syndrome (GBS),
  - ejjab emmān am enjake ilo raan eo me kwaar schedule wā eo.



U.S. Department of  
Health and Human Services  
Centers for Disease  
Control and Prevention

## 4 Uwōta ko

Ilo jabdewōt wūno, kōpool vaccine ko, elōn an maroñ in wałok bar ajälllikin. Ekkā wōt an men kein dik wōt im rej make jako. Uwaak ko kauwōtata remaroñ in wałok ak ejeja. Enañin aolep armej me rej bōk Tdap vaccine ejjełok jabdewōt aer apañ kake.

### Apañ ko reddik me rej |oor Tdap (Kar jab bōbrae kōmmanman)

- Emetak ijo im rekar lełok wā eo ie (epaak 3 ilo 4 jodikdik ro ak 2 ilo 3 rütto ro)
- Ebürōrō ak ebbōj ijo im rekar lełok wā eo ie (epaak 1 armej ilo 5)
- Piba edik me ejjab dikłok jān 100.4°F (ñan 1 ilo 25 jodikdik ro ak 1 ilo 100 rütto ro)
- Metak bar (epaak 3 ak 4 armej ilo 10)
- Mōk (epaak 1 armej ilo 3 ak 4)
- Mōlañlōñ, emmōj, ilok loje, emetak loje (ñan 1 ilo 4 jodikdik ro ak 1 ilo 10 rütto ro)
- Piø, emetak mōkwōj (epaak 1 armej ilo 10)
- Emetak ānbwin (epaak 1 armej ilo 3 ak 4)
- Lennab, ebbōj gland ko (ejjab ekkā)

### Apañ ko rebwe me rej loor Tdap

(Bōbrae kōmmanman ko, ak rekar jab aikuj bwe ren wūnook)

- Emetak ijo me rekar lełok wā ie (ñan 1 ilo 5 ak 6)
- Ebürōrō ak ebbōj ijo me rekar lełok wa ie (ñan 1 ilo 16 jodikdik ro ak 1 ilo 12 rütto ro)
- Piba me elapłok jān 102°F (epaak 1 ilo 100 jodikdik ro ak 1 ilo 250 rütto ro)
- Metak bar (epaak 1 ilo 7 jodikdik ro ak 1 ilo 10 rütto ro)
- Mōlañlōñ, emmōj, ilok loje, emetak loje (ñan 1 ak 3 armej ilo 100)
- Ebbōj aolepan pā ijo im rekar lełok wā eo ie (ñan epaak 1 ilo 500).

### Apañ ko kauwōtata me rej |oor Tdap

(Jab maroñ in kōmman men ko ekkā; aikuj in wūnook)

- Ebbōj, elap metak, bōtōktōk im Ebürōrō ilo pā ijo im rekar lełok wā eo ie (ejeja).

### Apañ ko me remaroñ in wałok ālikin jabdewōt vaccine:

- Ilo jet iien ko, armej re ɿotłok ālikin kilen wūnook, kōpool lełok vaccine. Jijet ak babu iumwin epaak 15 minit emaroñ in bōbrae am ɿotłok, im jorrāän ko jān wōtlök. Kowałok ñan taktō eo am ñe kwōj addeboulul, ak ej oktak am lołokjeñ ak tūññułok.
- Ñan jet armej emetak ɿapłok aerāän im epen aer kōmatakut pāer ijo me rekar lełok wā ie. Ejeja an men in wałok.
- Jabdewōt wūno emaroñ in kōmman uwaak in allergy me elap. Uwaak ko āindein jān juon vaccine ejjab ekkā, watwat epaak 1 ilo juon million dose ko, im enaaj wałok ālikin jet minit wōt ñan jet awa ālikin aer lełok vaccine eo.

Ainwōt ikijjen jabdewōt wūno, elōn an juon vaccine maroñ in kōmman jorrāän kauwōtata ak mej, ak ekanooj in dik.

Aolep iien ko rej lale an vaccine ko safety. Ñan bōk bar melele ko, etal ñan: [www.cdc.gov/vaccinesafety/](http://www.cdc.gov/vaccinesafety/)

## 5 Ak ñe elōn juon apañ ekauwōtata?

### In pukot ta?

- Pukot jabdewōt men eo me ej kainepata eok, āinwōt kakōllé in juon uwaak in allergy elap, piba ekanooj in elap, ak mwilin ejjab ekkā.
- Kakōllé in uwaak in allergy elap emaroñ in kōpool lennab, ebbōj iturin māj im büro, epen emmenono, emōkaj bam, addeboulul, im mōjño. Men kein renaaj jino ālikin jet minit wōt ñan jet awa ālikin aer lełok vaccine eo.

### In kōmman ta?

- Ñe kwōj ɬōmṇak ke ej juon uwaak in allergy kauwōtata ak bar juon emergency im ejjab maroñ in kattar, kūri 9-1-1 ak bōk armej eo ñan aujpitol eo epaaktata. Ñe āinjuon, kūri taktō eo am.
- Ālikin, kwōn reporti uwaak eo am ñan Vaccine Adverse Event Reporting System (VAERS (System in Report kōn Menin Wałok ko me Rej Jumae)) eo. Taktō eo am enaaj bōlen baeł report in, ak kwōmaroñ in kōmmane ilo VAERS web site eo ilo [www.vaers.hhs.gov](http://www.vaers.hhs.gov), ak ilo am kūri **1-800-822-7967**.

VAERS ejjab rōjañ kōn wūno.

## 6

### National Vaccine Injury Compensation Program (Būrookraam in Kōrōłi ikijjen Jorrāän jān Vaccine) eo

National Vaccine Injury Compensation Program (VICP (Būrookraam in Kōrōłi ikijjen Jorrāän jān Vaccine)) ej juon būrookraam federal me rekar kōmmane bwe ren kōrōłi ñan armej me rekar bōk jorrāän jān ejjet vaccine ko.

Armej ro me rej ɬōmṇak ke juon vaccine ekar kōmman jorrāän remaroñ in ekkatak kōn būrookraam eo im ikijjen wāween baeł juon aer claim ilo aer kūri **1-800-338-2382** ak etal ñan website eo an VICP ilo [www.hrsa.gov/vaccinecompensation](http://www.hrsa.gov/vaccinecompensation). Elōn jemłokin iien ñan am baeł juon claim ñan kōrōłi.

## 7

### Ewi wāween aō ekkatak wōt kake?

- Kajjitōk ippān taktō eo am. Emaroñ in lewaj peba eo ilo pakij in vaccine ak rōjañe bar wūnin melele.
- Kūri department in ājmuur ilo jukjukin pād ak state eo am.
- Kwōn contact Centers for Disease Control and Prevention (CDC (Jikin Dāpdep im Bōbrae Nañinmej)) eo:
  - Kūri **1-800-232-4636 (1-800-CDC-INFO)** ak
  - Etal ñan website eo an CDC ilo [www.cdc.gov/vaccines](http://www.cdc.gov/vaccines)

### Vaccine Information Statement

### Tdap Vaccine

2/24/2015

Marshallese

42 U.S.C. § 300aa-26

Translation provided by Hawaii Department of Health



Office Use Only